



15 JANUARI, 2021

KEPADA SEMUA PENGARANG BERITA

KENYATAAN MEDIA NUJ UNTUK EDARAN SEGERA

KUALA LUMPUR: Merujuk kepada kes positif COVID-19 di kalangan Ahli Parlimen dan menteri Kabinet serta peningkatan kes harian yang mencecah lebih 3,000 sejak minggu lalu.

Kesatuan Kebangsaan Wartawan Malaysia (NUJM) menyeru supaya semua sidang media samada membabitkan agensi kerajaan mahupun swasta dilakukan secara dalam talian dan menghadkan aktiviti sidang media secara bersemuka.

Namun pada masa yang sama, NUJM memohon jasa baik semua pihak untuk memberikan kerjasama kepada petugas media ketika dihubungi bagi mendapatkan sebarang komen serta penjelasan membabitkan sebarang isu.

NUJM juga memohon kerjasama diberikan kepada petugas media dalam membuat liputan di tempat awam, tinjauan serta diberikan pelepasan khas ketika melalui sekatan jalan raya.

Perkara ini perlu dilakukan dan mendapat kerjasama daripada semua pihak itu bagi memastikan penularan jangkitan dapat dibentung dan pada masa yang sama membolehkan para petugas menjalankan tugas mereka.

Harus diingat, petugas media antara golongan yang paling terdedah kepada risiko jangkitan COVID-19 ketika menjalankan tugas, namun, acap kali peranan dan keselamatan mereka diketepikan.

Jumlah pengamal media yang kini bertugas semakin berkurangan, mereka bukan saja perlu membuat liputan membabitkan isu COVID-19 malah liputan banjir, politik, mahkamah dan juga jenayah.

Oleh itu, adalah menjadi tugas NUJM untuk memastikan keselamatan serta kebajikan petugas media terjaga supaya maklumat yang terbaik dapat teruskan disalurkan kepada orang ramai.

NUJM juga ingin mengingatkan semua petugas media supaya sentiasa berhati-hati ketika menjalankan tugas dan mematuhi segala amalan prosedur operasi standard (SOP) yang ditetapkan oleh kerajaan.

Mana-mana petugas media yang mempunyai gejala COVID-19 dinasihatkan untuk segera melakukan ujian saringan di hospital dan mematuhi arahan kuarantin wajib.

#kitajagakita

Bagi Pihak Ahli Jawatankuasa NUJ,

FARAH MARSHITA ABDUL PATAH
Presiden